

Шарнымашым аралыше вер



Семёновко селаште верланьше 21-ше номеран школышто историй тоштер 2008 ий гыч пашам ышта. Тудым Россий Федераций общий образованийын почётан пашаенже, кугыжаныш марий йылмым туныктышо О.Н.ВАСЕНИНА вуйлата.

– Оксана Николаевна, историй музейым почаш могай амал лийын?

– Школын выпускникше Рустам Сафинин үмыржө 1996 ийыште Чечня сарыште кўрылтын. Тылеч вара кажне ийын школышто Шарнымаш кечым эртарена. Тушко ешыжым, йолташыже-влакым ўжына. Тунам школышто Рустамлан пөлеклалтше музей сынан лукым ышташ шонымаш почын. 1996 ий сентябрьыште республикыште ик эн ончыч кадет классым почынна. 2007 ийыште историй лукым кельштарена. Рустамын ачаже эргыжын серышыже-влакым, кительжым, тўрлө арверым пуэн. 2008 ийыште лукым тоштерыш савыренна. 2010 ийыште тоштерыште Р.Сафинлан пөлеклалтше «Тудын подвигше курымашлык» мемориал комплексым почынна.

– Школ тоштерда илышын тўрлө шўрынжым авалта. Экспозиций-влак могай тематикылан пөлеклалтше улыт?

– Семёновко кундем гыч Афган сарыште ныл енын үмыржө кўрылтын. Сандене Афган сарлан пөлеклалтше стендым ыштенна. Кугу Ачамланде сарын ветеранже, тылыште тыршыше-влаклан посна пөлка уло. Кадет-влак нерген экспозицийым кельштаренна, фильмым войзенна. Тылеч посна школын историйжым шымлена, «Овощевод» совхоз нерген шымлыме пашам шуктена. Этнокультур йыжынымат ўрдыжеш огына кодо.

– Тўрлө проектым илышын шындареда да пашада-влак дене тўрлө конкурсышто сёгышыш лектыда. Лудшына-влакымат палдарыза.

– 2009 ий гыч тоштер экспозиций республиканский конкурсышто танасена: ятыр гана икымше лийынна, 2-шо, 3-шо верла-

2020 ий – Шарнымаш да чап идалык.



мат налынна. «Человек на войне» республиканский проект радамыште «Музейная тропа по Семёновскому округу» проектым возенна. Кугу Ачамланде сарын ветеранже-влак дене вашлийын мутланенна, кажныж нерген презентацийым ыштенна. Тачысе кечылан ты кундемыште ик ветеран – Пётр Елисеевич Белик – гына кодын. «Дети войны» альбомым чумырмашке тунемше-влак кумылын ушненыт. 2018 ийыште школысо «Шарнымаш книга» ямдылаш тўнгальнна. Йоча-влак сарыште лийше родо-тукымышт нерген уверым погат. Кутурак

к л а с с - л а ш т е т у н е м ш е - в л а к « У р о к и М у ж е с т в а . М ы э т о й п а м я т и в е р н ы » в с е р о с с и й с к и й п р о е к т ы ш у ш н е н ы т . Т ы с о м ы л ы м « Б о е в о е б р а т с т в о »



Тунемше-влакын сёгымашышт ятыр. Аня Гуляева, Катя Корякова, Таня Богомолова (11-ше класс), Аня Короткова (8-ше класс), Елисей Смирнов (6-шо класс) тоштер пашам виктарымаште ўшанле польшкалыше улыт.

«Лучший музей, посвящённый увековечению памяти защитников Отечества» всероссийский конкурсын регионсо этапшытыже 3-шо лийынна. Тений Сталинград кредалмашын историйжым шымленна, тушто кредалше землякна-влак, Марий кундемын олам угыч нолташ полшымыж нерген пален налынна да экспозицийым кельштаренна. Тудын почеш видеоэкскурсийым эртарена.

Л.ГРИГОРЬЕВА мутланен.

Пленыш логалын

Кугезе кочамын лўмжө – Лаврентий Сидорович Аблинов. Тудо 1903 ийыште почын. Кугу Ачамланде сарыш 1942 ий 20 январьыште каен. 9 тылзе пленыште лийын. Куржаш төчен, йолжо эмганен. 1945 ийыште мўнгыжө пўртылын. Йошкар Шўдыр орден да «За победу над фашисткой Германией» медаль дене палемдалтын. Яндар кавам пөлеклымыжлан кочам ончылно вуем савем.

Элина АБЛИНОВА.

Кужэнгер
школ.

Сёгымашлан – 75 ий

«Ямде лий» 2020 ий 23 май

